

ZJEWJENJE S. JANA JAPOŠTOŁA.

STAW I.

Janej na kupu Patmos wupokazanemu so poruča, zo by napisał sedm cyrkwjam Asije, přez sedm swěčnikow woznamjenjenym, štož bě widzał we wokołnosći Syna čłowjeka, kajkosé wopisajo, w kotrejž bu jemu tutón pokazany.

Zjewjenje Jězusa Khrystusa, kotrež jemu Bóh poda, zo by pokazal svojim služownikam, što ma so stać bórzy,* a (wón to) woznamjeni, pósławši přez swojeho jandžela, swojemu služownikej Janej,**

2. Kotryž wobswědči slowo Bože a swědčenje Jězusa Khrystusa, štožkuli je widzał.*

3. Zbóžny, kiž čita a slyši słowa tohole wěšćenja, a zakhowa to, štož je w nim napisane; přetož čas je blisko.*

4. Jan sedmim cyrkwjam, kotrež su w Asiji:* Milosć wam a pokoj wot toho, kiž je a kiž běše a kiž ma přińć,** a wot sedm duchow, kotřiž su we wobliču jeho tróna.***

2. Mójz. 3, 14.

5. A wot Jězusa Khrystusa, kiž je swěrný swědk,* přenjordženy z mrtwych** a wječeh kralow zemje,*** kotryž je nas lubował a nas wumyl wot našich hrěchow w swojej krewi,† 1. Kor. 15, 20. Kol. 1, 18; Hebr. 9, 14; 1. Pětr. 1, 19; 1. Jan. 1, 7.

6. A sčini nas kralowstwo a měšnikow Bohu a swojemu Wótcej;* jemu (budž) khwala a knježstwo wěki na wěki. Amen.

7. Hlej, přikhadža z mróčelemi a wuhlada jeho kóžde wóčko, tež kotřiž jeho překlóchu; a žaloscić budža nad nim wšitke splahi zemje. Haj; Amen.*

Is. 3, 13; Mat. 24, 30; Jud. 14.

8. Ja sym Alfa a Omega, spočatk a kónc,* praji Bóh tón Knjez, kiž je, kiž běše a kiž ma přińć, wšohomócný.**

Is. 41, 4; 44, 6; 48, 12; niže: 21, 6; 22, 13.

9. Ja, Jan,* waš bratr a towarš w čěsnosći a w kralestwje a w sčerpnosći w Khrystusu Jězusu,** běch na kupje, kotraž rěka Patmos***, słowa Božeho a swědčenja Jězusoweho dla.

I. 1. Zjewjenje rěka pokazanje zakhowaneho, potajneho, tudy rěka pokazanje přichodneho časa, kotryž je w Božej radže drje přítomny, čłowjekam pak cyle zakryty. Bóh wozjewi tele potajnosće Jězusej, bóhčłowjekej; jako Bóh drje znaje Jězusa wot wěčnosće wšitke rady Bože, dokelž je z Wótcom jednoho byća, ale jako čłowjek spózna je při svojim překrasnjenju, a wozjewja nětko svojim služownikam, svojim wěriwym, što so w přichodnym času stanje. ** Wšelake wobrazy přichodnych podawkow, kotrež Jan widžeše, buchu jemu přez jednoho jandžela pokazane. — 2. t. r. Jan dawa swědčenje wo słowje Božim, wo powučenjach Božich, kotrež w jednotliwych wobrazach widžeše, a wozjewja, štož bě jemu Jězusa Khrystusa pokazał. — 3. Štóž sebi tele słowa rozpomina a sebi je k wutrobje wozmje, zakhowa so před hroženym khostanjom, kotrež je blisko, a přińdže k wěčnej zbóžnosći. — 4. Hłowne wopřijećé swojeho spisa podawši (r. 1—3) poswjeća jón sedmim biskopskim wosadam, kotrež běchu pod nim. ** t. r. wot wěčneho, njepřeměniteho Boha. *** t. r. wot Ducha swjateho, kotryž ze swojimi sedmi darami w čłowjekach skutkuje. Ličba sedm je znamjo dospołnosće, a chce tudy dospołnosć wozjewić, w kotrejž Wóte a Syn swoje dary přez Ducha swjateho, wot njeju pósłaného, čłowjekam wudžělataj. — 5. t. r. kotryž jako wěčna wěrnosć wozjewjenja Bože čłowjekam podawa a wobswědča. ** Přenjordženy z mrtwych, t. r. je přeni, kotryž je wot mrtwych wstanył, zo by wjacj njewumrěł (hl. Kol. 1, 18). *** Dokelž je ze svojim poniženjom dobył nad cyłym swětom a sebi poděisnył wšitke stworjenja. † Khrystus lubuje nas stajnje a tohodla wumrě za nas, zo by nas wot wšitkich hrěchow wumóžil. — 6. t. r. wěriwi su w jeho kralestwje kralojo, dokelž z nim knježa, a měšnicy, dokelž z nim, wěčnym wyššim měšnikom, dary, wosebje swoje dobre skutki, wopruja. — 7. Tu podawa so hłowne wopřijećé cyleho spisa: Khrystus přińdže, zo by sudžil wšitkich, na tom zastróža. so zli, spokoja pak so dobri. — 8. Alfa (A) a omega (Ω) staj grekskaj pismikaj, a to přeni a posledni, a znamjenjataj tohodla započatk a kónc, woznamjenjataj Boha wěčneho, wot kotrehož ma wšitko swój spočatk, a po kotrehož woli so tež wšitko skónči. ** Swjaty japoštoł chce wěrnosć Khrystusoweho přikhada k sudej zawěsćić, so powołajo na wěčneho wšohomócného Boha. — 9. Jan powěda, zo so jemu Khrystus zjewi a poručí, zo by zjewjenja, kotrež ma dóstać, napisał a ze sedmi listami, kotrychž wopřijećé zhoni, sedmim cyrkwjam Asije pósłał. ** t. r. ja čerpju z wami nětčišu tyšnosć, kotraž, hdyž so ze sčerpnosću a z podaćom do Božej wole znjese, ke krasnosći w kralestwje Jězusa Khrystusa dowjedže. *** t. j. mała pusta kupa w egejskim morju, džensa mjenuje so Patinos abo Patmosa, na kotruž bu s. Jan wuhnaty, dokelž bě slowo Bože rozšěrjał a za Jězusa swědčil.